

近代中國史料叢刊第三輯

沈雲龍 主編

黃膺白先生家傳

黃沈亦雲著

附：追悼紀念冊·故舊感憶錄

文海出版社印行

黃扉白先生翁德

國民政府軍事委員會會員用牋

辛亥以來英士膺白二先生
皆與余以安危同仗甘苦共
嘗相互勗勉金石交期不
啻手足今英士殉國將三
十年而膺白憂國謝世忽

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



國民政府軍事委員會用牋

亦已十年矣宿草頻凋
精誠彌取回潮膺白許
身報國見危授命志
足以懾強寇之氣而勢
不能弭鑠金之口其忍辱

國民政軍事委員會用牋

負重誠有非常人步
能堪者自來志士仁人
臨湯火而不避者易受
疑謗而不辭者難當其
困心衡慮不計毀譽以

國民政府軍事委員會用牋

一身翼衛國族之安全
謂非大仁大勇曷克臻
此皎々此心至今日抗戰
勝利乃克大白於天下
可哀亦可慶也亦雲夫

國民政府軍事委員會用牋

人撰此家傳其於逝者
心事實能推見至隱者
覽斯編卷首憂患共同
之史實歷歷在目惟此足
慰三友膺白於九泉已矣

卅四年十月二十日中正序



黃膺白先生家傳

先生姓黃氏。諱鄂。字膺白。浙江杭縣人。生於紹興之百官鎮。初名紹麟。號昭甫。在鄉里讀書有神童之目。塾師別字之曰天生。先世自安徽休甯遷居松江之華亭。累代讀書。高祖思孝。字靜齋。以布業爲邑中鉅富。曾祖鏞。字竹西。益治田宅。殖產至浙江嘉興縣治。性豪爽。急人之急。子女多與浙人聯姻。有女適餘杭章氏。太炎先生炳麟之祖母也。子曰如琛。字銳卿。爲先生祖父。喜駕湖秀麗。築室於邑之南門。報忠埭。好賓客。以楠木爲廳。號容百席。太平天國時。據爲司令部。後分爲邑人盛姓。及

陶文勤公住宅如琛子文治字友樵娶嘉興陸氏生四子先生其季也黃氏數世贍裕友樵公性謙謹讀書不治生產少時遇洪楊之亂爲亂軍所擄間道至百官依族叔以居遂家百官自是家道中落盡失嘉興之產後以州縣候補於浙歿於杭垣素與楊古韞張璧泉諸公交好皆松人之宦於浙者楊公名葆光詩畫并稱於世與亦雲外王父家有舊以故幼時習聞之友樵公之歿先生甫七歲諸兄皆未成業陸太夫人攜孤扶柩返松江原籍卜葬不果乃自百官移家杭州內外無倚歷憂困安拮据而課先生以嚴厲聞家貧無力延師送至同

善堂讀書。地方善團所設義塾也。歲惟二節出省。母陸太夫人嘗訓之曰。某人修行久。將得道。佛來試焉。初爲猛虎。鬚爪拂面不驚。繼爲元寶。燦然在手不顧。最後爲美人。窈窕在側不動。三夕。佛曰可矣。挈之登天。夫爲人皆當如是也。年十七。補錢塘縣學生。民國後。錢塘與仁和合稱杭縣。故爲杭縣人。府試時。與同縣汪君受知於杭州知府侯官林迪臣公。公欲召至府署讀書。而家無長者可通白。且須課徒助家計。乃由汪君獨應召。逾年得汪君書。言正習所謂筆算數學者。大奇。購一部。廢寢饋畢之。復借代數備旨形學兩書。得其究竟。以是於數

理獨具心得。蓋初步數學出於自通也。

杭州多名賢遺蹟。岳武穆墓尤刺激人心。爲先生幼時常遊處。嘗謂於武穆事所感最深者。爲岳雲之從死。宋室偏安如累卵。不堪有如伍員者。因復仇而損國本。不如父子同沉淪地下。使陷之者無所用其顧慮也。戊戌而後。維新論盛起。一日讀梁啟超先生尚武論。忽有所感。毅然有投筆之志。逾年。浙江武備學堂招考。遂改今名往應試。以第一人錄取。明年復以第一人派赴日本留學。以性喜數學故。習軍事測量。與同學約。凡一省有同學三人者。分習測量系之地形三角製圖三科爲一

組不得則與鄰省合計之。以他日返國。每區有同學一組。可分工合作成地圖一。至中國人自測自製一完備之全國大輿圖止。留學七年。屢得最優成績。畢業於地形科。時中山先生在日本東京。合革命各小團體爲同盟會。先生加入爲同盟會會員。物色四方同志。浙江軍人之加入。多所介紹。復以陸軍學生須歸國領兵入伍。爲實際工作。乃合同志中之尤堅貞者。得二十五人。號曰丈夫團。以孟子富貴不能淫。貧賤不能移。威武不能屈之義相砥礪。其後辛亥光復。南北各省發難。及主持人物。丈夫團幾居大半。與今國民政府主席奉化蔣公。

發刊武學雜誌於東京。闡革命之義。論軍人職志。又時應國內外報章雜誌之約。撰稿。凡署名曰明恥曰哭達者。皆先生也。日俄之戰。日本以新造島國。一戰而勝。旅順一役。實其關鍵。日人櫻井忠溫著旅順實戰記一書。名曰肉彈。各國均有傳譯。先生譯爲中文。以爲此何地也。而有此戰。國人所宜傷心惕勵者也。歸國供職北京軍諮府。籌辦軍事官報。在首都作中心運用。乃先生夙所自許於同志間者。辛亥武昌起義。急與會。可樓先生昭文李曉垣先生書城出京南下。皆丈夫團同志。上海光復數日。無統一組織。衆紛紛不待號令。指揮不一。時

南京第九鎮舉義不成。武漢孤危。全局岌岌。革命黨人與地方紳士集議於上海城內海防廳。久之未得要領。先生自衆中出。指陳大勢。決定組織都督府。推吳興陳英士先生。其美爲滬軍都督。大計遂定。衆有所適從。英士先生者。久在上海策動革命。曾隻身入製造局。欲以不戰之說動清吏。免地方糜爛。爲清吏所拘禁。先生聞之。計用軍諮府執照。入局營救。及民軍攻製造局。清吏潛遁。英士先生出。首問同志安否。其仁與勇爲先生所心折者也。於是衆復推先生爲參謀長。自練陸軍一師。卽後之陸軍第二十二師。南京臨時政府成立。誓師北

伐。大總統孫公以先生兼兵站總監。

上海爲革命軍第一重鎮。武漢恃以呼應。南京用爲後援。而各省軍事交通。外交經濟輿論之總樞紐也。撫輯調度之煩。倍於他省。論辛亥革命成敗關鍵。在南京之克復。南京克復。浙軍實最稱勁旅。所以維護支持而成其功者。滬軍都督陳英士先生與先生。皆浙人也。先生日往來於南京上海間。嘗增設滬甯路夜車。以資休息。今京滬路之有夜車。因先生始。清帝退位。孫大總統解職。滬軍都督府取消。京滬善後事宜。歸江蘇都督府辦理。先生轉任爲江蘇都督府參謀長。責在清理北伐軍。

隊之在津浦綫一帶者。特先自動解散其所領陸軍第二十二師爲天下倡。以次整理遣送其他各軍。數月而革命後復員之功。迅速畢事。七粵無驚。二十三師將領多一時俊傑。其後輔佐元首參預大計。當軍國之任者。頗有人焉。此亦非常之遇合也。卸職後奉令出國考察軍事。未成行而宋教仁先生被刺案起。二次革命猝發。宋案初起。在密電中稔知主謀者袁氏。暗殺政敵之舉。出於在位總統。豈革命同志所逆料。於是。有謂宜訴之法律者。有謂必須用武力者。先生正在京辦理交代及出洋手續。得電遄歸。視察所得。以爲革命黨既以政權

讓袁世凱諸領袖已相繼離要職。以共和締造艱難。言以革命黨當時實力言。國家不堪有內戰。戰亦未必遂勝。主慎重之說。既而決議起事。義與同志共進退。事敗。袁政府下令通緝。其第一紙懸賞緝拿黃興陳其美李書城及先生四人。令曰。不論生死一體給賞。乃亡命日本。同志既集東京。有擬繼續爲倒袁活動者。有擬暫時爲學術政見之表襮者。先生以零碎工作無裨大局。徒折志士於國家團體俱不利。迨英士先生有大連之行。尼之不可。乃留書達己見。匆匆離日本而赴南洋。蓋當時有奔走者。傳東三省地方有人可用。先生不以爲然。

且識奔走者之妄也。居南洋一年。將赴歐洲。而第一次世界大戰起。道梗。遂折向美國。自是一意研究世界大勢。對本國政治。常保持獨見。與特行。不隨衆同。可否。終其身。除同盟會外。未嘗入何黨系焉。

洪憲稱帝。由美返國。參與浙江加入護國軍之舉。事定。移家天津。讀書著述。先後五年。不問南北政事。不與當道往還。最敬慕者嚴範孫先生。修屢從其請。爲衆演講。常過從者張敬輿先生。紹曾。因其介。多識北方思想。開明之軍人。民國七八兩年。成歐戰之教訓。與中國之將來。及戰後之世界。兩書。欲以世界新趨勢。新潮流。啟發

國人資爲警惕。尤痛心疾首於內爭。以爲民國以來屢失自強之機。其因皆在於內爭。萬惡之內爭也。一語在兩書中不厭三致意焉。大戰告終。赴歐美考察戰後經濟。華盛頓軍縮會議及太平洋會議初發起。在美草華會發起之內容及其趨勢一篇。政府電聘爲赴美代表團顧問。茲行見戰後各國經濟凋敝情形。美國不批准凡爾賽和約情形。國際聯盟不足以爲仲裁機關。安全機構情形。以及中日關係之愈不可解。將成爲世界問題情形。欲大聲疾呼。促國人之覺悟而無從。乃再度置身實際政治。期以非常機緣。促進統一。入張紹曾先生

內閣爲外交總長。顏惠慶先生等兩內閣爲教育總長。并應蔡元培先生之約。爲北京大學學生軍講軍制學。應范源廉先生之約。在師範大學史地研究系授國際政治。應馮玉祥先生之約。爲其參謀將士解釋國際及國家大勢。

民國十三年國民軍之役。破北洋軍閥遞嬗專政之勢。結清室殘餘未了之局。使革命勢力驟伸於北方。發難者馮玉祥先生。而先生實以孤身當樞紐之任。方國民軍自古北口班師之日。先生正在教育部總長任。先以密電致馮先生曰。吾儕立志救國。端在此時。得覆電謂

來電徧示同人。衆意僉同。準於某日班師。蓋事機取決於先生。以在京稔知內外形勢故。臨時始宣示於大衆。以必須嚴守上下秘密故。皆馮先生所預約也。先生當日迎之於高麗營。夜半席地。改革國民軍通電。嗣以內閣攝政。修正清室優待條件。以故宮爲博物院。下整飭風紀嚴肅官規之令。西南革命同志相率北來。氣象之盛。彷彿民元。而軍人有擁戴段祺瑞出任執政之舉。中山先生旋又病歿故都。遂辭本兼各職。移家天津。

民國十五年。國民革命軍自兩廣進抵武漢。總司令蔣公邀商進行大計。以滬上爲中國經濟重心。屬先往密

爲佈置京滬底定。國民政府奠都南京。蔣公爲實現中山先生建國方略中大上海計劃。令爲上海特別市市長。再辭不獲。受命自擬特別市組織條例。起草者初定爲市長集權制。先生以上海密邇首都。政治性多於地方性。市長或將視中央政局以爲進退。非各局分權無以固基礎而利建設。決改爲各局分權制。多級而總攬。夙爲先生對政制主張。特別市組織無先例。蓋試寓其義於此矣。規模初具。而蔣公以事去職。遂同時引退。迨蔣公再起。受命爲國民政府外交部長。十七年五月。國民革命軍北伐由蘇入魯。蔣公電約至徐州會談。抵埠。

而蔣公以軍事前行。次日濟南下。遂晤蔣公於濟南。日軍滋事。致釀五三慘案。民情奮激。先生以北伐正在中途。統一功虧一簣。力主迅速制止當地亂事。繞道完成北伐。忍小憤以就大謀。使蓄意釀亂者尋釁不成。事畢引咎辭職。於事實是非毀譽。不以一言自見。挈眷入莫干山。顏所居曰白雲山館。出則竹杖芒鞋。入則左圖右史。常經歲不下山。自十七年至二十年。累辭徵召。於國事有所獻替。則以書交便友轉遞。盡意而止。不問去取。嘗自以孩提失怙。賴社會扶植。始克讀書受業。矢以受之社會者報之社會。斥資在山麓庠村。籌設鄉村義務

學校曰莫干小學。爲改進附近農村之先着。時統一甫告成功。而內戰又起。戰事激烈。甚於曩昔。乃於事定之始。作祈禱和平一文。同日遍登上海各報。爲社論。臚舉國力耗於內爭。建設因以停頓。同類相殘。勝亦不武之義。期朝野之覺悟。事在十九年冬。共產軍久踞江西。而日本少壯軍人亟於思逞。密請中央注意東三省大吏。勿使逗留關內。生後顧之憂。事在二十年春。

九一八瀋陽變起。繼之以淞滬之戰。長城之戰。彼一波未平。一波又起。我準備未成。屢戰不利。訴之國際聯盟。則空言制裁。益觸野心者之忌。反側之徒。習於政爭。不

明大義。羣集平津。僞組織之醞釀。甚囂塵上。政府不得已。定安內而後攘外之策。事實必須有暫時之緩和。乃於二十二年五月。設立行政院駐平政務整理委員會。轄河北山東山西察哈爾綏遠五省。北平青島兩特別市。以先生爲委員長。受命之日。日軍迫通州。距北平數十里。愛先生者。勸由南京繞道南昌。與蔣公面商機宜。然後北上。則不出一星期。平津運命已決。而責不在先生。先生以旣經受命。華北存亡。在於一身。義無返顧。星夜北行。五月十七日抵平。時先生離平已八年。人事旣盡變更。日本人中亦無舊識者。十八十九兩日。日機時

在平空示威。二十日晨正欲設法與日方某武官會晤。適其時一青年斫傷日兵營哨兵。會晤事遂中變。日隊長且攜武裝衛兵直衝新華門責問。新華門者舊總統府。時軍分會何部長應欽駐其中。居仁堂先生居其中。豐澤園。是日晚十一時。平市長報告本晚有便衣隊暴動消息。乃輾轉傳衛戍司令部妥爲防止。二十一日。在軍分會開軍事會議。各路總指揮長官咸集。會商良久。祇能以各盡最後之努力爲結論。日方復以辛丑條約爲名。向北平交民巷增兵。傍晚東北兩戰綫均告急。大勢岌岌。衆徬徨將棄而去之矣。正焦慮謀萬一之挽救。

晚十一時接行政院電令。除不承認偽滿洲國外。其他條件皆可磋商。先生再至軍分會。遇黃季寬先生。紹介。匆匆告以亟須與日人談判。未返前請勿離去。即隻身出與日方折衝。至二十二日天明。始擬就塘沽協定草案。晨六時返寓。以談判經過告諸同人。乃親擬電呈政府核示。一日一夜。僅得在書房小榻假寐片刻耳。五月三十一日。政府派員簽訂塘沽停戰協定。日軍撤至長城綫外。逾月。亦雲至平。見先生形容枯槁。顏色憔悴。愛國者望治過切。不諒環境。掣肘者乘間中傷。正氣難伸。燕雀處堂。不知大廈之將焚。謀我者野心未已。更無論

矣。每接應終日。至中夜尚須閱案牘。將日間重要交涉。自草電文呈政府。懼其力不能久支。勸曰。此行冒險而來。爲國家故。忍辱負重。今烽火旣熄。曷飄然辭去。以後事付之後人。還我山居。塞悠悠者之口。先生謂停戰豈得已事。華北艱險正未艾也。昔時腹地。今爲邊疆。一不慎。隨處燎原。自首都南遷。平津久爲北方霸權出入所。中央政令難及。嗣今治權之內屬。地方之整理。人心之振起。生計之培養。皆救國急務。欲免政府北顧之憂。必盡力至告一役。落乃止。

初是年四月。先生應召赴贛。討論北行時。政府之意。擬

併黨務政治軍事於一。以利指揮。先生以身不在黨。於軍事久隔膜。謝不能。又令自兼一省或一市。以資伸縮。亦不欲。故最初政整會組織。爲財務政務秘書二處。大抵從前北平各政治組織之舊也。先生就職伊始。以財政必須中央統一。則軍事政治可免割據。卽將華北財政劃歸財政部。亦不願干涉各省市行政。遂改財務政務兩處爲調查處。參議廳建設討論會。由執行機關而爲設計指導機關。先生所自畫其範圍。而務切於實際者也。華北五省兩市中。惟北平市及北甯路局兩長。出自先生推舉。一二年間。平市旣整頓。市容厲行禁毒。有

成。北甯路局所解鐵道部之款。一時爲全國各路冠。先生方竭力以成部屬奉公之忠。不有一毫尾閹安插之方便也。閩省人民政府之變。不惜以外援爲後盾。南北俱奔走醞釀。有來說先生者。先生竭愛國愛人之誠。用釜底抽薪之策。旬日之間。動以利害制其機先。陰弭分崩之患。當事急時。其自矢之忠貞。對人之坦白。解釋國家與個人前途利害之殷勤懇切。退食時往往與家人覲面若無覩。相對不一言。必欲盡至誠使來者瞭然於向背之影響。心悅而後已。嘗謂對本國人總好說話。雖吃力不覺苦。惟本國人而屢屢不識大體。直令人傷心。

終嘆息二十餘年。不有內爭。何來外患。涓埃之力。徒事
搪塞。無裨國家。其後日本既少信義。交涉層出不窮。官
吏狃於故常。痛定不復思痛。社會恃虛矯之氣。空言張
目。先生週旋其間。轉移無力。在職兩年餘。忍難言之痛。
未嘗一日稍伸其意。屢病羸日甚。政府初給假養病。二
十四年九月。始明令撤銷行政院駐平政務整理委員
會。二十五年春夏。臥病莫干山。秋八月病亟。返滬入宏
恩醫院。醫者斷爲肝癌症。十二月六日晨九時半歿於
寓。年五十七歲。方先生病時。蔣公在粵。日以電來問疾。
亦雲日以實報。蔣公返滬。至醫院坐久之。從容告先生